

Uunga siunnersuut: Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq

(Aningaasaqarnermut Nunanilu Avannarlerni suleqatigiinnermut Naalakkersuisoq)

Saqqummiussissut

(Aningaasaqarnermut Nunanilu Avannarlerni suleqatigiinnermut Naalakkersuisoq)

Siullermeerinnineq

Naalakkersuisut sinnerlugit soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaata allanngortinneqarnera pillugu Inatsisartut inatsisissaannut siunnersuut matumuuna saqqummiutissavara.

Siunnersuut, borgmesterit soraarnerussutisianut aaqqissuussinermi tjenestemandit ilaaffigisaannut assingusumi pineqartunut ilaalerpata, borgmesterinik tjenestemandinut naligiissitsisoq, matumani pineqarpoq.

Aningaasarsiat il. il. tjenestemandinut tunniunneqartut, soraarnerussutisiaqalernissamut aaqqissuussinermut peqataasussaataitanermut atatillugu ileqqaakkanut tunngavissanut naatsorsuinermi ilaatinneqarneq ajorput. Tjenestemandit tjenestemandit aningaasarsiaminnit soraarnerussutisiaannut annertunerusumik ileqqaarnissaannik pisussaaffiliisunik maleruagassanik pisariaqartitsisoqarsorinarani, tjenestemandinut ataasiakkaanut tjenestemandinut soraarnerussutisianut aaqqissuussinermup iluseqarneranut annertussuseqarneranullu, tamanna tunngassuteqarpoq.

Borgmesterinut soraarnerussutisianut aaqqissuussinermi tjenestemandinut assingusumi ilaasunut tunngatillugu, aamma taamaattoqarpoq. Taamaattumik siunnersuutigineqarpoq borgmesterinut tjenestemandit soraarnerussutisiaannut assingusumik soraarnerussutisianut aaqqissuussinermi ilaalersunut aningaasarsiaritit il. il., taamatuttaaq soraarnerussutisiaqalernissamut aaqqissuussinermut peqataasussaataitanermi ileqqaagassanut tunngaviusunik naatsorsuinermi ilaatinneqassanngitsut.

Tamatuma saniatigut Inatsisartut inatsisaata kalaallisut qulequtaa oqaatsinut atorneqartunut nalinginnaanerusunut naleqqunnerusunullu allanngortinneqassasoq siunnersuutigineqarpoq.

Naggataatigut inatsisissatut siunnersuut aammalu nassuiaatit tassunga atasut innersuussutigissavakka.

Taamatut oqaaseqarlunga Naalakkersuisut sinnerlugit siunnersuut Inatsisartunut kajumittumik suliassanngortippara.